

四庫全書

集部

欽定四庫全書

劔南詩藁卷四十五

宋 陸游 撰

十二月三日夜橋上看月

常時新月有無間  
今夕清暉抵半環  
柳外橋高最堪望  
憑欄目送下西山

流年

流年及耄敢前期  
浮世如漚只自知  
多貯閒愁持抵酒

剗遊好景擬供詩海東藥到寬衰疾岷下書稀愴別離

陳明州餉人參張季長久不得書

約束春盤莫草草又當梅發兩京時

山家

風月寬閒地溪山隱遯身雲邊安井臼竹裏過比鄰洗  
木分巖瀑烹芝朮澗薪柴門敲不應疑是避秦人

又

種藥為生業彈琴悅性靈中宵煮白石平旦誦黃庭茶  
熟眠初起兒扶酒半醒意行無定處猿鳥共忘形

又

長生固非道得道是長生書不傳關尹言誰契廣成羅  
浮觀日出句曲聽松聲聞說長安好何妨醉太平

又

陶葛金丹訣千年祕不傳人皆肖天地世豈乏神仙擾  
擾生趨死悠悠食復眠微言誰復領浩歎撫遺編

又

清絕更誰如松風小閣虛羶巾參几杖鶴毳落琴書新

鑿洵丹井常攜斲藥鉏身閒隨處樂何況是吾廬

小舟白竹篷蓋保長所乘也偶借至近村戲作

茅簷細雨濕炊煙江路清寒欲雪天不受相公金絡馬

羨他亭長白篷船

又

雪雲無際暗長空小市孤村禹廟東一段荒寒端可畫

白篷籠底白頭翁

稻飯

買得烏捷遇歲穰此身永免屬官倉塘南塘北九千頃

八月村村稻飯香

鏡湖下至海凡種稻九千頃

殘臘

殘臘無多寒漸薄新春已近日微長  
碁枰散後軒窗靜  
梅塢歸來襟袖香  
海霧籠山青淡淡  
河堤瀦水白茫茫  
鷺飛前導生遊興  
笑岸綸巾上野航

又

殘臘去春纔十日  
衰翁告老已三年  
乳糜但喜分香鉢

銀勝那思映綵鞭萬里當時嗟漫浪一窻此日困沈綿  
清泉白石無人到且結梅花淡淡緣

書志

著書汗馬牛不如守道力賣文取卿相詎是儒者職孔  
光豈不學千載汗簡冊通塞本細事于我奚失得袁安  
卧空廬亦度風雪夕如何慕溫飽撓節不自惜我突無  
炊烟或至日中昃小兒抱遺經衣短兩脰赤吟誦何琅  
琅聲出如金石掩卷語乃翁聖有陳蔡厄

數日不出門偶賦

衰甚身如作繭蠶經旬不省出茅菴老僧遣信分茶串  
隱士敲門致酒甌看鶴松陰賞高潔疏泉石罅得清甘  
地偏心遠無車馬賴有吾兒與劇談

又

十二年來一日同飯蔬略似誦經翁居家不擬依鄰富  
報國惟思祝歲豐冰澗乍通寒溜碧蘭叢新放露芽紅  
閒門萬化俱觀盡那用瞿曇更說空



又

湖上蝸廬僅自容，寸懷無奈百憂攻。  
補衣未竟迫秋露，待飯不來聞午鍾。  
稚子挾書勤質問，鄰翁釋耒間過從。  
今朝一笑君知否，滿爇新醅粥面醲。

寄題嚴居厚伴釣軒

人生有至樂，莫若江湖中。  
千錢買短舫，青蓑織孤篷。  
潮生鼓棹去，烟波浩無窮。  
長歌送夕陽，回首萬事空。  
伴釣君已奇，我乃真釣翁。  
君出羊裘家，散人亦吾宗。  
一見即

定交正以氣味同何時溪莊路共醉蘆花風

溪莊蓋居厚所居

寄趙昌甫并簡徐斯遠

我詩非大手我酒亦小戶得遊名勝間獨以用心苦趙  
子乃宿士山立誰敢侮寓名祝融祠蓑笠卧烟雨高吟  
三千篇一字無塵土朱先少許可書每說昌甫雖云忍  
飢瘦得喪亦相補嗟君與斯遠文中真二虎我老日益  
衰想像氣如縷

南園觀梅

幽徑疎籬洗世塵  
眼明見此數枝新  
橫斜恰受三更月  
璀璨先回萬物春  
洛浦凌波矜絕態  
緱山騎鶴想前身  
放翁著句煩君記  
畫在生綃却未真

老身

老身無處著登望  
憶間遊白浪浮天遠  
黃雲出塞秋百年  
殊鼎萬事只悠悠  
歲晚長亭路寒侵  
季子裘

獨處

老夫閉門衰疾嬰  
小兒適有南山行  
一奴入市暮未返

惛惛不聞鳥雀鳴  
地爐火死凍脚硬  
欲作薄粥愁空鎗  
平生遣日賴詩句  
久矣無復吟哦聲  
但餘一點真正念  
照了萬象猶精明  
欲論此事向何許  
衆中倘遇千人英

醉中歌

文章日益近衰陋  
風節久已嗟陵夷  
元祐大蘇逝不返  
慶厯小范今誰知  
閉門學古人共笑  
低頭就俗我却疑  
脫衣幸可買漁艇  
爛醉浩歌隨所之

排悶

人間歲月莽悠悠  
老大悲傷只涕流  
民饜糟糠寧細事  
俗忘節義更深憂  
潦歸宿麥猶難望  
雪少同雲未易求  
自歎此生真已矣  
且偷暇日弄孤舟

庚申十二月二十一日西和州健步持子布書報  
已取安康襄陽路將至九江矣悲喜交懷作長  
句

吳蜀相望萬里程  
征鞍忽報近湓城  
角巾已入三更夢  
老眼先增十倍明  
告至徧為親舊問  
勞還深媿里閭情

追思二紀睽離事喜極翻成涕泗橫

又

萬里東來雙鯉魚  
衰翁悲喜得兒書  
聞過峴首已冬至  
想到匡廬將歲除  
辛苦山行穿雪履  
淒涼旅飯嚼冰蔬  
此行身歷艱難遍  
莫厭東臯共荷鉏

園中作

幽禽啼不去紅藥落還開  
意適時時醉身閒日日來  
著書增水品披句覓橙栽  
消息吾兒近扶衰又上臺

子布約二

月初到  
鄉里

足疾

足疾惟妨拜登臨故自如深知造物意遣遂此心初東  
塢閒看竹西溪獨釣魚莫歸猶未倦把卷遶前除

歲暮書懷

世事從來不可常把筇猶幸得深藏牀頭酒瓮寒難熱  
瓶裏梅花夜更香薄命元知等蟬翼畏途何處不羊腸  
詩成讀罷仍無用聊滿山家骨董囊

又

憶昔初辭鴈鷺行慨然誓墓老耕桑  
蓼汀夜宿夢魂爽  
梅塢暮歸襟袖香窮巷每多閒  
日月小兒時誦古文章  
吾儕窮死從來事敢變胸中百鍊鋼

除夜

守歲全家夜不眠  
杯槃狼籍向燈前  
相看更覺光陰速  
笑語逡巡即隔年

修路



雨靈道壞困泥塗  
木石紛然賴里閭  
但使僅堪行便足  
我無長戟與高車

金丹

予有金丹鍊即成  
人人各自具長生  
施行要使俗仁壽  
收斂猶能心太平  
劇飲似鯨身不倦  
細書如螳眼常明  
更餘一事君難學  
富貴真同涕唾輕

平昔

平昔飄然林下僧  
更堪衰與病相乘  
殘年已任身生死

一念猶關道廢興皎皎初心質天地兢兢晚節蹈淵冰  
子孫勿厭藜羹薄此是吾家無盡燈

二月三日春色粲然步至湖上

不媿衰翁雪鬢新出門也復整烏巾梅花隔水香撩客  
野鳥穿林語喚人長日難消惟泥酒災年不死又違春

吾兒已到新安未想掬清溪洗客塵

子布度將  
至新安

計子布歸程已過新安入畿縣界

憶昔初登下峽船一回望汝一凄然夢魂南北略萬里

人世短長無百年強健老懷終兀兀忽聞歸騎已翩翩  
今朝屈指無窮喜歷盡江山近日邊

東園觀梅

出世仙姝下草堂高標肯學漢宮粧數苞冷蘂愁渾破  
一寸殘枝夢亦香問訊不嫌泥濺屐端相每到月侵廊  
高樓吹角成何事只替詩人說斷腸

喜得建茶

玉食何由到草萊重奩初喜坼封開雪霏庾嶺紅絲磴

乳泛閩溪綠地杯舌本常留甘盡日鼻端無復鼾如雷  
故應不負朋遊意手挈風爐竹下來

春雨

細雨吞平野餘寒勒早春未增豪飲興先著苦吟身幽  
徑萱芽短方橋柳色新閉門非為老半世是閒人

春雨

擁被聽春雨殘燈一點青吾兒歸漸近何處宿長亭

又

湖上新春柳搖搖欲喚人多情今夜雨先洗馬蹄塵

初春感事

馬跡車聲是處忙經旬無客到龜堂水初泛綠黏天綠  
梅欲飄零特地香世事紛紛人自老歲華冉冉日初長  
百錢不辦旗亭醉空愛鵝兒似酒黃

又

一樹紅梅已半殘破裘也復敵春寒忍窮過日却差易  
負媿終身良獨難活火靜看茶鼎熟清泉自注研池寬

道室書事

胎髮青青晨映梳

紀二事皆實

甚畏蝮蛇寧斷手已烹熊掌

先少師宣和初有贈晁公以道詩云奴愛才如蕭

穎士婢知詩似鄭康成晁公大愛賞今逸全篇  
今讀晁公文集泣而足之

仕不逢時勇退耕閉門自號景迂生遠聞佳士輒心許  
老見異書猶眼明奴愛才如蕭穎士婢知詩似鄭康成  
早孤遇事偏多感欲續殘章涕已傾

春日雜題

梅花三十本圍以疎竹籬入春甫十日開遍南北枝少  
年輕節物老大復苦衰坐見零落盡一杯初未持

又

春雨路易乾雨止即可行梅花落無餘蘭芽亦已生好

鳥何山來向我飛復鳴行矣東郊路藉草作清明

又

野水如碁枰所至各成村炊煙出茆屋碓聲隔柴門樹  
陰同戲兒多已長子孫安居無暴斂何以報國恩

又

春陰不成雨正作卯色天花開路無塵楊柳搖輕烟佳  
哉冷淘時槐芽雜豚肩長安墮胡虜况說野狐泉

又



客路行無窮。漁唱聽不厭。濤江西限吳。雲岫南入剡。蹇  
驢過小市。高柳擁孤店。去去望前村。鴉歸煙欲斂。

又

蒲柳深復淡。桃李白間紅。東皇一稅駕。萬物酣春風。烟  
村在何許。小屏團扇中。一笑喚稚子。相扶上短篷。

春日暄甚戲作

桃杏酣酣蜂蝶狂。兒童相喚踏春陽。老人自笑還多事。  
預恐明朝雨壞牆。

春日

遲日園林嘗煮酒風和庭院曬新絲已過燕子穿簾後  
又見鮎魚上市時排悶與兒聯小句破閒留客戰枯碁  
殘年自覓安排處除却歸休總不宜

書室獨夜

忽忽新春過惜惜一室幽銅燈立鴈趾石鼎揭龍頭老  
媿人扶拜貧無食足謀退居消日月大半付莊周

追感往事

太平翁翁十九年

紹興中禁中謂秦太師為太平翁翁

父子氣焰可熏天

不如茅舍醉村酒日與鄰翁相枕眠

又

世事紛紛過眼新九衢依舊漲紅塵  
桃花夢破劉郎老燕麥搖風別是春

又

渡江之初不暇給諸老文辭今尚傳  
六十年間日衰靡此事安可付之天

又

文章光焰伏不起甚者自謂宗晚唐歐曾不生二蘇死  
我欲痛哭天茫茫

又

諸公可歎善謀身誤國當時豈一秦不望夷吾出江左  
新亭對泣亦無人

書意

我本三生世外人幻軀其實強冠巾稍能閉戶學種菜

時亦長歌行負薪一醉却非身外事百年終是冢中塵  
君知夢境無根底莫信人言想與因

又

病眼猶堪閱世人難將雪鬢著烏巾囊中錢盡罷沽酒  
澗底雨寒愁束薪老子那辭徙牛屋癡人自喜拜車塵  
窮通要自兒嬉事嬾就山僧講宿因

清都行

有序

辛酉二月十四日夜雞初鳴夢與故人查元章

並轡行大道中  
前望宮闕甚壯麗  
元章言吾輩  
當同預大議論  
予與約勿為身謀  
元章拊掌稱  
善  
遂覺作清都行一首

積雨初收曉寒重  
野人忽作清都夢  
宮牆柳色綠如染  
仰視修門岌飛動  
元章久已葬岷山  
安得翩翩並馳轡  
春光如昔交舊少  
肺肝欲寫誰堪共  
頗聞天闕有疑事  
通明殿下方僉議  
約君切勿負初心  
天上人間均一是  
春來食不繼戲作

久卧窮閭困負薪何妨掃盡太倉陳瘦如飯顆吟詩面  
飢似柴桑乞食身犧象未應殊斷木江湖底處有窮鱗  
大冠長劔人看好不換茅簷一幅巾

紹興辛酉予年十七矣距今已六十年追感舊事

作絕句

常憶初年十七時朝朝烏帽出從師

與許子威輩同從鮑季和先生晨興

必具帽帶而出忽逢寒食停供課正寫礬書作贗碑

獨坐視老奴灌園

東窻日晚獨愁予  
眼閣年來頗廢書  
賴有吾家老阿對  
相從引水灌園蔬

雨晴風日絕佳  
徙倚門外

一雙芒屨伴筇枝  
不用兒扶自出嬉  
貪看南山雲百變  
舍西溪上立多時

又

茶釀無端廢午眠  
杖藜信步到門前  
青裙溪女結蠶卦  
白髮廟巫催社錢



又

章老三年病方死吳翁一夕呼不醒獨有此身頑似鐵

倚門常看暮山青

章吳皆鄰人以去冬死

春遊

春風堤上草萋萋草軟沙平護馬蹄似蓋微雲纔障日  
如絲小雨不成泥千秋觀裏逢新燕九里山前聽午雞  
追憶舊遊愁滿眼綵船曾繫畫橋西

春雨

狼籍殘花滿地紅  
擁衾孤夢雨聲中  
人生十事九堪歎  
春色三分二已空  
但有老盆傾濁酒  
不辭衰鬢對青銅  
長貧博得身彊健  
久矣無心咎化工

又

藥爐茶竈淡生涯  
聽雨猶能惜物華  
蘸岸頓添三尺水  
沾泥不貸一城花  
閒摩病眼開書卷  
時傍危欄弄釣車  
稚子孤行八千里  
喜聞炊熟可還家

家僮自行在來報  
子布寒食前可到

家唐人以寒食  
前一日為炊熟

又

自笑平生嬾是真閉門高枕動兼旬  
海棠千片已隨水杜宇一聲無復春  
綠酒盈樽足忘老朱櫻上市正嘗新  
今朝雨止通溪路又向沙頭岸幅巾

書懷

謝客元無疾深居似有憂向空書咄咄  
對竹送悠悠出每思安卧歸還念遠遊  
春衣典已慣斗酒不難謀

三月十六日至柯橋迎子布東還

江國常年秋鴈飛  
吾兒遠客寄書稀  
道途一見相持泣  
鄰曲聚觀同載歸  
草草杯盤更起舞  
匆匆刀尺旋裁衣  
從今父子茅簷下  
回首人間萬事非

又

我似傷禽帶箭飛  
更憐汝作雁行稀  
異時恐抱終身恨  
此日寧知徒步歸  
萬里外應勞遠夢  
三年前已挂朝衣  
斷編蠹簡相從老  
絕念功名亦未非

題施武子所藏楊補之梅

補之寫生梅至簡亦半樹此幅獨不然豈畫橫斜句

食野菜

野菽山蔬次第嘗超然氣壓大官羊放翁此意君知否  
要配吳粳曉甌香

又

萬里蕭條酒一杯夢魂猶自度邛邽可憐龍鶴山中菜  
不伴峨眉揖脯來

予十歲許即往來雲門諸山今復與諸子來追念

悽然

經行猶記髣髴初所至  
渾如過故墟橋廢夕陽空  
鶴表碑亡春草沒龜趺荒  
郊渺渺羊牛下叢木蕭蕭  
鳥雀呼可恨一衰今至此  
右攜筇杖左入扶

雲門道中

度嶺穿林一徑斜旋篝新火  
試新茶箸包粉餌祠寒食  
雨濕青鞵上若耶石鑄微泉  
來滴瀝溪涯老木卧搓牙  
不須苦覓東柯谷是處雲山  
可寄家

龍瑞

多年不蹋陽明路今日重來院院行好在千秋馮觀主  
修廊一見眼偏明

禹寺

莫春之初光景奇湖平山遠最宜詩尚餘一恨無人會  
不見蟬聲滿寺時

寄題張仲欽左司槃澗

劔溪之南有佳處山靈尸之不輕付張公鼻祖晉司空

談笑得地開窻戶  
豁光如鏡新拂拭  
白雲青嶂無朝莫  
伏几讀書時  
舉頭萬象爭陳陶  
謝句公今仙去有  
嗣子  
關塞崎嶇方叱馭  
山城何曾歎如斗  
皦皦不受世俗汙  
君不見任文往者  
勢如山朝士幾人  
無汗顏尊公遺事  
不須述但看當時  
出處間

園中晚興

世故誰能必書生  
妄自期年光卷中  
過心事鬢邊知零  
落花隨水輪囷筍  
突籬晚晴山盡出  
徙倚獨移時



送陳希周赴安福令

補吏鶴嶺邊尊公方玉立超遙繭風雲餘子那可及天  
高鬼神惡聞訃三日泣晚途見嗣子握手悲喜集乘桴  
掠鯨波信矣勇可習巉巖風骨峭颯霧不能襲謂當上  
臺省豈復論等級如何困無津俛首臨一邑顧嗟六朝  
民龍鍾垂八十肯來野水濱半月解書笈吾杯僅容餽  
安得看鯨吸佇立送歸鞍霽日滿原隰

春晚久雨排悶

積雨暗村墟幽居雜鼃蚓泥潦欲升階几席或生菌壯  
年多重脰况我抱宿疾下牀躡高屐顧影輒自哂客來  
入我戶亦復為歎憫胡不徙高原再拜謝不敏

甲子日晴

澤國春多雨閱月殊未止皇天俄悔禍畀以晴甲子山  
川相炳煥桑柘鬱千里壠麥行可穫吳蠶亦三起牀頭  
醅瓮香大杓瀉浮蟻醉醒日已晡長歌識吾喜

三月二十日兒輩出謁孤坐北窻

園林春已空陂港雨新足泥深黃犢健桑老紫椹熟豐  
年逋負少村社饗酒肉微風吹醉醒起和飯牛曲

又

歲月不相貸布穀忽已鳴新夏亦自佳北窗綠陰成讀

書老易倦披衣繞堦行摩挲枕擲杖與汝樂太平

陳希周自

海外歸送枕  
擲拄杖一枝

春盡記可喜數事

微雨洗浮埃蒼顏一笑開僧招行藥圃兒報得琴材病

退初嘗酒春殘已過災鄰家賽神會自喜亦能來

卜者謂予

今春當病  
幸不甚驗

### 立夏前二日作

晨起披衣出草堂軒窗已自喜微涼餘春只有二三日  
爛醉恨無千百場芳草自隨征路遠遊絲不及客愁長  
殘紅一片無尋處分付年華與蜜房

### 老民

乞得不貲身林間號老民兒因作詩瘦家為買書貧村

僕欺謾少鄰翁笑語真今朝鹽酪盡蕪糝更宜人

又

老民無一事終日卧柴扉鑿沼觀魚樂鉤簾待燕歸架  
高藤葉密土潤藥苗肥休退真吾分無心學息機

貧甚自勵

忍病停朝藥捐書省夜燈都門下第客山寺退居僧天  
每留幽隱入何與廢興能輕馬千駟肯慕稷三升

衡門

小聚風烟外衡門水竹間疏溝分北澗翦木見南山人  
笑謀生拙天教到死閒猶存拄杖子遇興即躋攀

遊法雲

放船三家村進棹十字港雲山互吞吐水草遙莽蒼沙  
鷗下拍拍野鶩浮兩兩蕭騷菰蒲中小艇時來往匡山  
如香爐藍水似車輜夢魂不可到于此寄遐想瘦僧迎  
寺門為我掃方丈指示北窻涼此味媿專享我笑謝主  
人聊可倚拄杖吾廬已清絕敢取魚熊掌

舟中作

短篷搖擢莫山昏  
老怯年華易斷魂  
夾港蒲聲知小雨  
隔林績火認孤村  
奉祠累歲慙家食  
謝事終身負國恩  
惟有愚忠窮未替  
尚餘一念在元元

貧居

囊空如客路屋窄似僧寮  
得飯多菰米烹蔬半藥苗  
草生初失徑筍放欲干霄  
不道弓旌誤虞人自畏招

初夏野興

得意烟霞不諱窮一菴聊寄寂寥中山從樹杪參差見  
水過花陰曲折通閒倚胡牀遡新月時停團扇受微風  
元知夢境無真實不待邯鄲覺後空


又

披衣清曉倚闌干龜屋裁成二寸冠盆檜雨餘抽嫩綠  
研池風過起微瀾愛書自笑心常在去死懸知日尚寬  
回視前修似無媿不教一字入長安

又



扇墮中歌午夢回鳴鳩又喚雨絲來數行褚帖臨窓學  
一卷陶詩傍枕開糠火就林煨苦筍密甕沈井漬青梅  
艾人行復巍然出老大難堪節物催



劔南詩彙卷四十五

欽定四庫全書

集部

劔南詩稿卷四十六

詳校官庶吉士臣陳若霖

主事臣呂雲棟覆勘

總校官檢討臣何思鈞

校對官修撰臣戴衢亨

謄錄監生臣楊浚明

欽定四庫全書

劔南詩藁卷四十六

宋 陸游 撰

孟夏方渴雨忽暴熱雨遂大作

蒸溽殊未解雨來那可涯  
鵲驚無穩樹燈暗不成花  
處處躍秧馬家家閒水車  
兒童伴翁喜聚首話桑麻

小池

荷鋤庭中破嫩苔清溝一派引泉來  
剪刀草長浮萍合

無數遊魚去復回

衡門

曲徑衡門短短籬  
槐楸陰裏倚筇枝  
老來百事不入眼  
惟愛青山如舊時

海上作

厭逐紛紛兒女曹  
挂帆江海寄吾豪  
鯨吞鼉作渾閒事  
要看秋濤天際高

朝飢示子聿

水雲深處小茅茨雷動空腸慣忍飢外物不移方是學  
俗人猶愛未為詩生逢昭代雖虛過死見先親幸有辭  
八十到頭終強項欲將衣鉢付吾兒

養氣

養氣安心不計年未嘗一念住愁邊才疎屢掃朝中迹  
命薄翻成世外緣耐老尚能消劫石放狂聊復醉江天  
飽知句曲羅浮路不訪初平即稚川

示友

黃卷青燈自幼童長年頗亦有新功尚嘲孟顓遲成佛  
那計辛毘不作公學問更當窮廣大友朋誰與共磨礱  
諸君果未捐衰老鄙語人當致一通

早涼熟睡

靈臺虛湛氣和平投枕逡巡夢即成屋角鳴禽呼不覺  
手中書冊墮無聲百年日月飛雙轂千古山河戰一枰  
賴有蓮峯遺老在白雲深處主齊盟

謂陳希夷

初夏

麥秀微寒後梅黃細雨前湖灘初集鷺隄柳未鳴蟬琴  
帶輕陰潤巾因小醉偏晚來幽興極又上釣魚船

夏雨

忽聞疎雨滴林梢起看油雲滿四郊行蟻君臣初徙穴  
鳴鳩夫婦正爭巢築陂處處移新稻乘屋家家補破茆  
堪笑此翁惟美睡孝先便腹任譏嘲

倚樓

千里江山入倚樓高吟聊復寫吾憂詩書幸有先人業

貧賤初非學者羞數掩槿籬端可老一杯藜粥尚何求  
東坡未插青秧遍且與鄰翁卜雨鳩

晚興

偶扶藜杖過傍村却倚禪牀坐小軒日落鴉栖津樹暗  
人歸鶴踏釣船翻挽弓從笑識丁字刺繡終勝倚市門  
羹芋一杯吾自飽諸兒強為置盤飧

是日五郎等  
置食參倚

又

身如病鶴謝樊籠白盡衰髯臉尚紅蒲葦陂塘新漲後



梧楸門巷夕陽中遺名要耐千年看快飲方誇百榼空  
造物閔憐君會否放教折臂老新豐

晨雨

過雲生谷暗既雨却窓明低燕爭泥語浮魚逆水行山  
川增秀色草木有奇聲處處青秧滿長歌樂太平

戲作絕句以唐人句終之

雨細穿梅塢風和上柳橋山居無歷日今日是何朝

又

靜對煎茶竈閒疏洗藥泉回頭問童子今夕是何年

述懷

情懷猶是昔年人豈料侵尋八十身燈下看書方覺老  
花前闕酒始知貧玉非鼠朴何勞辨魚與熊蹠各自珍  
萬事回頭已陳迹為君一笑落紗巾

閒中自詠

鶴羨清癯鷗羨閒衡門正在水雲間無求尚恨時賒酒  
有癖應緣酷愛山細繞坡頭行犖角別分泉脈聽淙潺

三更不睡看江月恐有高人夜叩關

晨興

小雨過郊墟晨興一事無殘榴重結蕊新燕續生雛書  
細猶能讀行遲漸要扶疏畦恐蕪沒且復課僮奴

自詒

愈老愈知生有涯此時一念不容差身如病鶴長停料  
心似山僧已棄家高枕時時聞解籜卷簾片片數飛花  
飯餘解帶摩便腹自取風爐煮晚茶

又

行年髦及卧蝸廬山水登臨亦已疎無可奈何猶食粟  
未能免俗學澆䟽蓬門時接漁樵話塵几聊存種樹書  
強欲入城還自笑世間那有鶴乘車

西村

亂山深處小桃源往歲求漿憶叩門高柳簇橋初轉馬  
數家臨水自成村茂林風送幽禽語壞壁苔侵醉墨痕  
一首清詩記今夕細雲新月耿黃昏

漁父

楚江茫茫新雨霽殘雲蹙作魚鱗細老翁短楫去若飛  
我欲從之已天際從之不可況共語醉眼知渠輕一世  
直鉤去餌五十年此意寧為得魚計

放歌行

少年不知老境惡意謂長如少年樂朝歌夜舞狂不休  
逢人欲覓長生藥三二十年底難過屈指朋儕餘幾箇  
就令未死身日衰朱顏已去誰能那人間萬事如奕棋

我亦曾經少壯時兒曹紛紛不須校歲月推遷渠自知

苦貧

老作清時版籍民深耕迨及故山春熟思豈是天貧我  
妄計還憂鬼笑人但使甑中餘麥飯何妨澗底采荆薪  
此窮正坐清狂爾莫向瞿曇問宿因

晨起至參倚齋示子聿

似仙猶火食比古未巢居老子麤全節小兒能著書下  
簾留乳燕投飯出潛魚幸好隆中客無為起草廬

夏夜對月

薄雲歸欲盡殘雨久猶滴月入疎林間庭戶粲珠璧梅  
天苦蒸鬱爽氣始此夕豈無一舴艋放浪江天碧散髮  
黃鶴樓醉弄白玉笛真當舞魚龍詎止裂金石

夏夜

酒力初消睡未厭卧看香縷繞疎簾月高棲鵲重移樹  
風勁流螢自入簷長夏迢迢秋尚遠孤愁冉冉病相兼  
老人本是山中客掃迹元非畏楚鉗

五月十日曉寒甚聞布穀鳴有感

弊袴久當脫短褐竟未送

吳中諺語曰未喫端午粽布襖未可送俗謂典質曰送

老怯五更寒重衾擁殘夢羣蟲方得意飽血藏衣縫竹  
簞何時陳紈扇殆無用長夏疊疊來歲月疾飛鞚妄懷  
畎畝憂太息欲誰控

老歎

人生易衰老萬事海濤翻但恨芳尊逐寧悲雪鬢繁諸  
儒輕古學遺虜盜中原有語誰能聽毋矜舌尚存



閉戶

收身歸死鏡湖傍  
閉戶悠悠白日長  
巷僻斷非容駟路  
腸枯那有蹴蔬羊  
書生正可蹈東海  
世事漫思移太行  
睡起不知天早暮  
坐看螢度篆盤香

長飢

病卧窮閭負聖時  
本來吾道合長飢  
朝不及夕未妨樂  
死何如生行自知  
早年羞學仗下馬  
末路幸似泥中龜  
煙波一葉會當逝  
吹笛高人有素期

山齋書事

山榴子結又重開巢燕雛飛却續回

燕有三生雛乃去者

雨足人

畦千頃稻日長風舞一庭槐浩歌縱酒愁仍在作意觀  
書睡已來常恨流年不相貸若為更著暮蟬催

贈道流

賣藥會稽市不知今幾年身常雜庸保世果有神仙醉  
帽簪花舞漁舟聽雨眠放翁獨識子肯向俗人傳

避暑松竹間

雙松五丈高萬竹一尺圍上有林蟬鳴下有礧鳥飛正  
午不見日我來每忘歸清詩忽陳前永與世俗違直北  
有異境煙汀連釣磯何當霜雪時散髮櫛葉衣

連日大雨門外湖水渺然

趁朝把笏著烏鞞不似歸來買短蓑尚鄙朱公養魚術  
肯為甯戚飯牛歌逢時有命求何益觸事無心得最多  
樂處却嫌兒輩覺出門十步即煙波

午睡

槐楸陰裏綠窓開  
天與先生作睡媒  
流汗未乾衣上雨  
大聲已發鼻端雷  
枕鐫松石分琴薦  
簾織風漪取笛材  
却起岸巾看汲井  
人間車馬正氛埃

窮居

阮窮心自樂  
寂寞道常尊  
老病頻辭客  
嬉遊不出村  
淖糜均列鼎  
徒步當華軒  
不但終吾世  
猶堪遺子孫

梅雨

殘雨收還滴  
低雲去復留  
護雛憐弱燕  
喚婦笑鳴鳩  
碓

米春初滑園蔬摘復抽誰知泥沒踝也有客相求

村居書事

困阨難希飽暖家未妨隨事作生涯白鹽赤米已過足  
早韭晚菘猶恐賒鴨放競浮新漲水牛歸正及暝棲鴉  
年餘七十方辭祿敢望高人挂齒牙

閒中信筆二首其一追和陳去非韻其一追和王  
履道韻

我看浮名如脫髮誓墓收身老巖穴座延窮鬼心不疑

鑪錘橫財渠自別樂哉今為八十翁神交園綺商山中  
烹葵剥棗及時序爛醉黍酒歌豳風

又

小江之上千峯立潮回艇子爭來集飄風忽起白浪高  
急雨橫吹綠蓑濕歲豐斗酒纔百錢茆店無人驚醉眠  
醒來徑入亂雲去異日出看東封年

題齋壁

鏡水西頭破茅屋紹興初載舊書生門無車馬終年靜

身卧雲山萬事輕三釜昔傷貧藉祿一廛今幸老為氓  
斷蓬不是無飛處莫與飄風抵死爭

夏日雜題

疎疎窓似秋蛩室疊疊書如春鵲巢大耋何妨尚絃誦  
小詩時亦雜詼嘲

又

耿耿醜石羅當道矯矯長松龍上天滿地凌霄花不掃  
我來六月聽鳴蟬

又

情懷萬里長征客身世連牀旦過僧熟計書空成咄咄  
不如任運去騰騰

又

一枝黎峒桄榔杖二寸羊城螭蛸冠萬里來為老人壽  
始知天地不勝寬

又

天隨手不去朱黃辟蠹芸編細細香今夕短檠須暫設



北牕風雨送微涼

又

身閒欲出無如嬾  
酒薄雖傾不敵愁  
殘暑從今無一月  
剩儲詩思待新秋

又

憔悴衡門一秃翁  
回頭無事不成空  
可憐萬里平戎志  
盡付蕭蕭暮雨中

又

衰疾沉綿短鬢疎淒涼圯上一編書中原久陷身垂老  
付與囊中飽蠹魚

夏雨歎

蝸舍入門楣觸額黃泥壁作龜兆圻雨多潦水欲上階  
卧聽鳬鴨聲拍拍日高糴米奴未回坐知薄飯未容索  
仕羞捷徑耕不力自取囊空欲誰責富貴危機復可畏  
世間果無第一策雖然胸中有事在片言可壽天下脈

物外雜題

市墟沽斗酒獨酌復高歌一笑語觀者比君更事多

又

當年下沔鄂回首幾秋風景物渾如昨千帆落照中

又

曉入姑蘇市閭門繫短篷老人元不食買餅飼山童

又

送客停山步尋僧立寺門青鞵慣泥潦却愛雨昏昏

又

粉堞臨江渚朱橋枕市樓長吟策小蹇又度一年秋

又

飼驢留野店買藥入山城興盡飄然去無人識姓名

又

高城今曠野比屋昔朱門道上傳呼過遙遙幾世孫

又

過市摩雙眼驚嗟閱盛衰朱樓倚霄漢曾見始成時

過村舍

碓舍臨山路牛欄隔草煙問今何歲月恐是結繩前

晝卧初起書事

歲華病思兩侵尋靜看槐楸轉午陰待睡不來聊小憩  
鍛詩未就且長吟還山久洗天涯恨謝事新諧物外心  
忽有故人分祿米呼兒先議贖雷琴

夜雨有感

斷虹不隔江郊雨

東方虹見則雨止俗語一醺昏燈夜  
謂之隔雨今歲獨不爾

半時多感生悲那為酒積衰成瘦錯冤詩空階點滴何

由止倦枕淒涼只自知平日故人零落盡寄書誰與叙  
睽離

偶作夜雨詩明日讀而自笑別賦一首

俗情向者未全忘洗以縈簾一縷香得失故應常浩浩  
是非正可付蒼蒼殘蟬不斷知秋近雙燕歸來伴書長  
誰識龜堂新力量東家却笑接輿狂

舍西晚眺示子聿

秋濤常記犯靈胥季子雙髦尚髧如薄飯不為明日計

短檠相對十年餘嗟予久合墮鬼錄憐汝猶能讀父書

西望牛頭渺天際永懷吾祖起家初

牛頭山在小江西北有先太傅讀書

堂尚存

自訟

年少寧知道廢興搏風變化羨鯤鵬貪求但欲攀分寸  
痛定方慙乞斗升靈府已能澄似水俗緣更覺薄於僧  
挂冠且喜身蕭散二頃寧須退可憑

讀唐人樂府戲擬思婦怨

一自門前征馬嘶此心常與斷雲西  
雙飛空羨雉朝雊  
獨泣忍聞烏夜啼  
遼海晝昏塵漠漠  
杜陵春到草萋萋  
孤愁可為鄰姬說  
只有臨樽醉似泥

南堂納涼

環坐列胡牀  
兒曹共此涼  
風生桐葉墜  
露下稻花香  
老幸返初服  
窮宜歸故鄉  
已無纓可濯  
清嘯對滄浪

又

浴罷閒無事  
悠然寄一牀  
水風涼醉頰  
松月上虛廊  
岸



久烏紗側熏餘細葛香今宵一美睡何止傲羲皇

中庭納涼

紅映衡門夕照明翠浮村巷暝煙生搖搖楸線風初緊  
颭颭荷盤露欲傾數酌濁醪留客醉一編疑義與兒評  
須臾散去人聲寂獨數城頭長短更

又

散髮江天嬾出遊衡門日落鎖梧楸火雲突兀方蒸暑  
銀漢縱橫已報秋熠熠露螢黏徑草簌簌漏鼓下譙樓

追涼明日無奇策聊向林間卜雨鳩

待旦

東方星磊磊西舍雞喔喔萬慮集五更吾睡無由著  
世事如飲酒不獻自無酢開窓起危坐送月西南落

又

是身如浮煙久聚要當散吾年七十七寒暑凡幾換  
夏夜亦自佳何必厭揮汗推枕坐南窓悠然待清旦

晨興

冬夕宜晚睡夏日思晨興磊落明星高蒼涼朝日昇正襟坐堂上有几不敢憑陳前聖人書凜如蹈淵冰平生不苟利豈獨畏友朋長飢君勿謂人各有不能

又

欲曉不能寐亟起坐北堂齋莊對斷簡左右陳朱黃湛湛一池墨裊裊半篆香老生不自逸幸此夏日長奇哉長頭兒好勇不可當安得數年健與兒講虞唐

晚涼述懷

末學常憂墮名驕晚知鵬鷁本逍遙  
屏醫却藥疾良已破械空圜盜自消  
父子終身美藜藿交遊大半是漁樵  
衡門日落清風起又著藤冠度野橋

湖塘晚眺

綠樹暗村墟青山繞草廬奉祠神禹舊  
馳道暴秦餘浦色沉煙網畦聲入雨鉏  
清秋又如許幽憤若為攄

又

病起閒無事時來古渡頭煙中賣魚市  
月下采蓮舟帆

鼓娥江晚菱歌姥廟秋長吟無傑句聊以散吾愁

小集

烏柏遮山路紅蕖滿野塘病蘇身漸健秋近夜微涼杯  
酌隨宜具漁歌盡意長兒曹娛老子團坐說豐穰

出門與鄰人笑談久之戲作

少時已歎少驩娛衰病經旬一笑無今日出門逢父老  
欣然隨衆強盧胡

又

暮靄昏昏半掩扉  
偶逢鄰叟荷鋤歸  
且令閒說鄉村事  
莫問渠言是與非

又

菽水欣欣每盡歡  
仁賢不必襲衣冠  
出門邂逅移時語  
未害龜堂取友端

又

屋角時聞黃犢鳴  
相逢但可說春耕  
一言誤及城中事  
議罰應須便酌觥

魚池將涸車水注之

清波溜溜入新渠鄰曲來觀樂有餘試手便同三日雨  
滿陂已活十千魚喜如雷動風行際快若天開地闢初  
萬物但令俱有託吾曹安取愛吾廬

一齒動搖已久然餘皆堅甚戲作

病齒元知不更全漂浮杌隉已三年一朝正使終辭去  
大嚼猶能盡燕肩

晚至新塘

青鞵隨意出柴荆聊向南塘曳杖行歸鳥已從煙際沒  
斷虹猶在柳梢明城頭層堦凌空立浦口孤舟並岸橫  
向道有詩渾不信為君擁鼻作吳聲

夜泛湖中

水鴨鴝鵒拍拍飛菰蒲深處弄煙霏喚回二十年前夢  
半醉姑溪棹月歸

立秋後作

宋玉悲秋千載後詩人例有早秋詩老夫自笑心如石



三日秋風漫不知

覽鏡

此頭那可著貂蟬瘦似騎驢孟浩然一事比渠差省力  
閉門無句與人傳

早秋南堂夜興

水注橫塘藻荇香候蟲唧唧滿空廊風前落葉紛可掃  
天際疎星森有芒夜漏漸長愁少睡秋衣未製怯新涼  
明朝却有欣然處寫得黃庭又幾行

菱歌

海內知心人漸少  
眼前敗意事常多  
問君底事渾忘却  
月下菱舟一曲歌

聞角

河白如銀天淡青  
角聲中有玉關情  
早知送老桑麻野  
悔失安西萬里行

湖隄

新月纖纖淡欲無  
時聞魚躍隔菰蒲  
藍輿小放湖隄上

信有人間白玉壺

秋旦

將旦溪風急新秋天宇寬涼生豎裁褐爽入縮縫冠拊  
翼雞頻唱爭枝雀正謹一簞吾已足芋豆亦加餐

龜堂晨起

培火螭爐起寶熏滴泉鑿研聚玄雲屏圍燕几成山字  
簞展涼軒作水紋絕口不談浮世事洗心聊策退居勲  
老年猶健非無自一卷丹經受鄭君

柳橋秋夕

柳疎橋盡見水落路全通  
衣杵家家月漁舟浦浦風  
眼明無俗物步蹇有枯筇  
野逸誰能那悠然西復東

道室雜題

早訪丹砂上岫嶺晚提河派  
汴崑崙陰符後出君無忽  
三百奇文要細論

又

聞說湖中有釣舟煙波出沒  
雜輕鷗一聲清嘯去已遠

我欲從之何處求

又

山中有草名長生丹砂可死金可成服之刀圭齒髮換  
要看東封告太平

又

勘書窓下松明火采藥溪頭櫛葉衣只在人間人不識  
秋風又見雁南飛

劍南詩豪卷四十六

欽定四庫全書

劔南詩藁卷四十七

宋 陸游 撰

儒生

儒生安義命所遇委之天用可重九鼎窮寧直一錢雖  
云髮種種未害腹便便高卧茅簷下美藜法不傳

秋夜

老病睡眠少如斯秋夜何長庚未配月織女已斜河莎

徑蟲吟苦柴門葉落多誰知窮甯戚不作飯牛歌

寺閣

三髻初得牧牛童兩扇新成釣舸篷偶訪野僧過射的  
却衝微雨上樵風登山未減青鞵興到手俄驚綠酒空  
自笑此身猶健在試憑重閣送飛鴻

秋暑夜興

寂寂空廊絡緯鳴消搖岸幘近南榮閑眠簟作波紋冷  
新浴衣如蟬翼輕微雨已收雲盡散衆星俱隱月徐行



呼童持燭開籐紙一首清詩取次成

漁父

千錢買一舟百錢買兩漿  
朝看潮水落暮看潮水長  
持魚換鹽酪縣郭時上下  
亦或得濁醪不復計瓶盎  
浩歌忘遠近醉夢墮莽蒼  
玄真不可逢悠然寄遐想

省事

車馬聲都絕比鄰迹亦疎  
淺傾家釀酒細讀手鈔書  
薄飯惟羹芋閑遊不借驢  
有時還自笑省事更誰如

新涼書懷

烏帽圍寬帶眼移，閉門慣忍日長飢。  
文章雖媿聲名誤，志節寧隨血氣衰。  
天地無私非困我，聖賢可學有餘師。  
短檠正歎經時別，涼入郊墟喜可知。

又

藥物扶持病少蘇，殘年不恨老菰蘆。  
潦收溪澗魚爭售，

歲樂村場酒易沽。無日楡林無墜葉，

楡木自夏至秋日有落葉不可勝掃

有時燕戶有新雛。

今年燕屢生雛七月望猶未止

秋風剽起扁舟興，安

得州家復鏡湖

又

鄰曲今年又有年垂髫戴白各欣然先輸官庾無逋賦

共賽神祠有社錢退傳寄聲情續密

連得周丞相書細字滿幅

晦翁

入夢語蟬聯

昨夕夢朱元晦甚欵

燈前細與兒曹說蠹簡猶堪數

世傳

又

山川遺迹晉唐餘水竹相望許洛居

朱希貞嘗言山陰富水竹有洛陽許

下氣象

一齒屢搖猶決肉雙眸雖澀尚耽書郊原夜夜驅  
耕犢村店時時秣蹇驢客問若為娛老境吾兒未與短  
檠疎

七月十七晚行湖塘雷雨大作

電火雷轟下九關我行算出郊原間翳翳暗樹類奇鬼  
突兀黑雲如壞山江潮默應鰻岫溢鐵鑠自脫梅梁還  
今夕虛簷瀉懸瀑預知高枕聽淙潺

七月十八夜枕上作

電掣光如晝雷轟意未平  
亂雲俄卷盡孤月却徐行  
露草蛩相語風枝鵲自驚  
一涼吾事足美睡到窗明

梅市

梅市柯山小繫船開蓬  
驚起醉中眠橋橫風柳荒  
寒外月墮煙鐘縹渺邊  
客思況經孤驛路詩情又  
入早秋天如今老病知何  
恨判斷江山六十年

秋思

利欲驅人萬火牛江湖浪  
迹一沙鷗日長似歲閑方  
覺

事大如山醉亦休  
衣杵相望深巷月  
井桐搖落故園秋  
欲舒老眼無高處  
安得元龍百尺樓

小舟湖中夜歸追和孟浩然夜歸鹿門歌

山光漸淡川氣昏  
急雨亂打荷葉喧  
小舟橫掠湖邊村  
人家收網半閉門  
吾廬未見見堤樹  
舟人指點孤燈處  
蒲叢姑惡最可哀  
衝雨飛鳴背人去

酒盡

飲酒但飲濕  
吾聞之老坡渠  
非惜酒錢無如  
久窮何我

窮乃過之空壘倒餘濕日來彌可笑濕亦不可得平生  
忍飢多得飯已有餘父子茅簷下清坐談詩書

燒香

寶熏清夜起氤氲寂寂中庭伴月痕小斲海沉非弄水  
旋開山麝取當門蜜房割處春方半花露收時日未曛  
安得故人同晤語一燈相對看雲屯

自述

寄懷魚鳥卧煙汀結友松筠醉草亭拜賜龜章紆舊紫

予蒙恩錫服篋中有守郡時故袍用以拜命

養成鵠鬢掃餘青遺經在櫝傳

家學大字書牆作座銘浪迹江湖遂終老此身何啻一浮萍

又

意望天公本自廉甘餐美睡偶容兼一生憂患如山重  
此日安閑抵蜜甜拙宦雖無齊虜舌早歸亦免楚人鉗  
但餘一味疎慵在儲藥千斤未易砭

風雨



風搖北斗柄欲折雨溢天河浪正生一盞昏燈北窗下  
腐儒未輟讀書聲

白露前一日已如深秋有感

匹馬曾防玉塞秋豈知八十老漁舟非無丈二父堪請  
只恐傷人笑白頭

又

護塞寧須右北平拂雲祠是受降城誰知此志成虛語  
白首燈前聽雁聲

東村晚歸

蜀道還吳鬢已絲歷年二紀固應衰寧知病思沉綿日  
又見秋風搖落時錦雉白魚供野餉青林紅樹入新詩  
東村寂寂風煙晚酒挂驢肩又一奇

秋望

快哉一雨洗浮塵却喜郊原霽色勻野火已亡秦相篆  
江濤猶託伍胥神登臨頓覺清秋早流落空悲白髮新  
東望思陵鬱葱裏老民猶及見時巡

游尚能記高  
皇建炎巡幸

郭西

鵲下川原黑船行浦淑空橋燈搖水影樓角散天風野  
眺飛埃外漁歌冷翠中不須嘲病翼要是脫樊籠

舍北

支徑秋原上衡門夕照中野煙山半失溪漲浦橫通鬢  
禿難藏老衣穿可諱窮浩歌終自得心事寄冥鴻

夜坐示子聿

久客誠當去無心偶小留掃空閑夢想閱盡舊朋儔學

術非時好文章幸自由

蘇黃門贈侄孫元老詩有云從此文章始自由

不嫌秋

夜永問事有長頭

柳橋晚眺

小浦聞魚躍橫林待鶴歸閑雲不成雨故傍碧山飛

秋興

秋風吹我夜植杖溪橋側木葉雖未凋慘澹無顏色

又

功名不垂世富貴但堪傷底事杜陵老時時矜省郎

又

秋暑勢已窮風雨縱橫至白鷺立清灘與我俱得意

又

胸中萬卷書一字用不著歸休始太息竟是為農樂

又

酌酒桑陰下邠風入醉歌何須繩檢外名教樂還多

嘉泰辛酉八月四日雨後殊淒冷新雁已至夜復

風雨不止是歲八月一日白露

殘暑方炎忽痛摧無情風雨亦奇哉但嗟不為貧人計  
未動秋砧雁已來

又

仲秋四日雁橫天閒戶垂帷意已便方歎今年時候早  
夜深風雨更淒然

近村民舍小飲

秋風吹細雨蕭然濯炎熾老夫疾頓平甘食仍熟寐春  
物財幾何搖落已復至昔人喻死生謂若屈伸臂愚公

顧不靈白首沒榮利嗟予幸學道了此直差易三拜散  
人號退志獲早遂絃歌萬二千盡力不能崇瘦驢骨可  
數渺渺入空翠霜蟹初把螯絲蓴小添豉平生笑巨君  
老齧乾肉糲異味幸滿前萬事付一醉

閒適

飲酒不至狂對客不至疲讀書以自娛不强所不知一  
窗袖手坐往往晝漏移初非能養生簡事頗似之四時  
俱可喜最好新秋時柴門傍野水鄰叟閑相期

又

陸子居山陰杜門輒經年有時思出遊兩屨凌風煙長  
鑿斲靈苗大瓢挹飛泉眼長不及寸能著萬里天不飲  
顏常丹不食腹果然金丹六棄置我是地行仙

夜歸

今年寒到江鄉早未及中秋見雁飛八十老翁頑似鐵  
三更風雨采菱歸

又



芡浦菱陂夜半時小舟更著疾風吹青熒一炬楓林外  
鬼火漁燈兩不知

自詠

宦遊疇昔徧天涯萬里東歸歲月賒古道泥塗居士屨  
荒畦煙雨故侯瓜園公谿父逢皆友野寺山郵到即家  
病思漸輕重九近又將烏帽插黃花

老歎

一齒危將墮雙瞳久已昏謀生賴蔬圃養拙閉柴門多

病從來慣虛名不足論自憐餘一念猶欲濟元元

秋社

雨餘殘日照庭槐社鼓齧齧賽廟回又見神盤分肉至  
不堪沙雁帶寒來書因忌作閑終日酒為治聾醉一杯  
記取鏡湖無限景蘋花零落蓼花開

晨起

雞已參差唱窗纔曉曉明高林風不止叢竹露如傾夢  
為多難記詩緣嬾少成晨興了無事散髮遶堦行

中夜睡覺兩目每有光如初日歷歷照物晁文元  
公自謂養生之驗予則偶然耳感而有作

人情所願欲莫若貴與富是皆有命焉非力可成就予  
昔未有聞無與發其覆超超强干祿時命適大謬方行  
蛇當道未至螫已噬適燕乃南轅之楚顧北首風波起  
平地兩耳厭嘲詬隴蜀萬里餘數遍道傍堆六十歸為  
郎數月草章奏夫豈或使之擊去惟恐後嗟彼亦何心  
喜愠出邂逅還山惟自訟衡茅屏幽陋乘除得少健上

下歷巖岫得飽豈復擇百口同飯糗寒龜久猶息野鶴  
老益瘦又如已放馬寧當夢華廐造物念途窮畀以樗  
櫟壽雖無熊鳥術坐空陰陽寇兩背若有光夜視如正  
晝物生稟定數此語聞自舊置冰鳥覆翼棄野於菟穀  
偶然當後死鬼錄自遺漏山陂粟屢收池水麻可漚鄰  
父相歡娛席地醉醇酎

錢道人不飲酒食肉囊中不畜一錢所須飯及草  
屨二物皆臨時乞錢買之非此雖強與不取也

萬里飄如不繫船空囊短褐過年年食時無飯芒屨破  
只向街頭旋乞錢

又

誤辱君王賜鏡湖身隨鷗鷺寄菰蒲行年八十猶強健  
欲伴先生去得無

枕上

呼兒初夜上門關怕冷貪眠自笑孱月色橫分窗一半  
秋聲正在樹中間算年不復樽前樂浮世無如枕上閑

鍊句未安姑棄置明朝追記尚斑斑

山園書觸目

山近雲生易人稀鳥下頻瘦篁穿石竅古蔓絡松身熟  
摘巖邊果乾收澗底薪經過不相識喚作避秦人

苦貧戲作

五窮作祟不容支蟬腹龜腸旋過時客散難求門外轍  
衣穿徒有鬢邊絲兒能解事甘藜藿婢苦無薪晚廢屨  
箕踞浩歌君會否書癡終覺勝錢癡

秋曉書感

天公息我半生勞，寄傲江湖亦足豪。  
淡盡月痕知夜艾，飄殘桐葉喜秋高。  
讀書時亦挂牛角，對酒正須持蟹螯。  
縱有故人終自絕，安能從汝望綈袍。

秋夜

抱病齒髮非閱世，城市換朋儕。  
冢纍纍在者亦雲散，窮居嬾出戶俯仰秋已半。  
疎鐘到倦枕，微火耿幽幔。  
平生疑著處，忽若河水泮。  
百年寓逆旅，萬事真既灌。  
紛紛彼

方寢袖手不須喚蘿月忽滿窗悠然付長歎

村舍

篠屋楓林下

山中人以篠覆舍厚密過于茅

柴門茨浦旁先鳴雞脇膊

徐上日蒼涼服藥貧寧輟觀書老有常仍須教童穉世  
世力耕桑

又

生理嗟彌薄吾居久未完蝶飛窗紙碎龜坼壁泥乾小  
雨牛欄溼微霜碓舍寒晚禾蟲獨少鄰里共相寬

今年晚禾



苦蟲蛇予  
鄉獨免

天涼時往來湖山間有作

萬壑千巖自古傳青鞵布襪更誰先  
泛舟菰脆鱸肥地  
把酒橙黃橘綠天  
秦篆舊碑荒草棘  
禹書遺穴慘風煙  
誰知陸子登臨日  
已近浮生八十年

雨夜歎

秋雨何曾住一滴  
老夫危坐欲三更  
開元貞觀事誰問  
溫洛滎河塵未清  
豐年猶有餓死慮  
破屋自愛讀書聲

刺經作制豈不美無奈人間痛哭生

病足晝卧夢中譫諄乃誦尚書也既覺口占絕句

唐虞已遠三千歲每誦遺書涕泗潛濟濟九官十二牧  
我獨不得居其間

又

人能不食十二日

趙岐柳開皆嘗不食十二日不死

惟書安可一日無

唐虞雖遠典謨在病卧蓬窗時聒嚅

新買啼雞

峩峩赤幘聲甚雄意氣不與其曹同我求長鳴久未獲  
一見便覺千羣空主人燒神議已決知我此意遽見從  
秋衣初縫惜不得急典三百新青銅憐渠亦復解人意  
來宿庭樹不待籠狐狸熟晚那敢犯蕭蕭清露和微風  
五更引吭震戶牖橫挺無復須元戎明星已高啼未已  
雲際騰上朝陽紅老夫抱病氣已索賴汝豪壯生胸中  
明朝春黍得碎粒第一當冊司晨功

幽棲

幽棲少人客積病得衰殘身納分司祿兒須遠次官新  
寒換衣典閑日借書觀更歎秋來瘦晨興覺帽寬

又

自卜幽棲地頻驚歲月移鄉鄰崇禮讓子弟習書詩喔  
喔雞鳴樹狺狺犬吠籬謀生已過足富貴亦何為

秋日雜詠

都門初出若登仙弄水穿雲喜欲顛只恐光陰已無幾  
不知又過十三年

又

五百年前賀季真再來依舊作閑人  
一生看盡佳風月  
不負湖山不負身

又

菰蒲風起暮蕭蕭煙斂林疎見斷橋  
白蟹鱸魚初上市  
輕舟無數去乘潮

又

葉底珍禽不受呼弄風小蝶點殘蕪  
舍南舍北秋光好

到處皆成一畫圖

又

紅莧如丹照眼明  
卧開石竹亂縱橫  
騷人見處終然別  
只說清秋采落英

又

桐葉吹殘柳亦稀  
溪頭倚杖立斜暉  
誰知老子無窮喜  
待得吾兒小艇歸

又

久雨初晴喜欲迷  
青鞵踏徧舍東西  
忽然來到柳橋下  
露溼蓼花紅一溪

又

十里秋風画角哀  
夕陽光景亦佳哉  
正疑白鷺歸何晚  
一片雪從天際來

望永阜陵

龍飛回首尚如新  
忽閱人間四十春  
聖主已嚴天上駕  
孤臣歸作道傍民  
傾河尚恨難供淚  
衛社何由得致身

獨立秋風吹白髮感深肝膽漫輪囷

排悶

悠然不覺歲時遷楚水楓林繫釣船  
貧悴只如行卷日衰遲忽過挂冠年  
閑遊野寺騎驢去倦擁殘書聽雨眠  
賴有一籌差自慰小兒筆墨日翩翩

秋日晨起

翻樹鴉知旦橫空雁戒寒但欣蘇肺渴  
未暇議衣單粥鼎湯初沸香篝火半殘  
讀書心漸嬾顧影一長歎



出遊暮歸戲作

終年兀兀復騰騰眼看朱門幾廢興造物偶容窮不死  
衆人共養老無能逢山自有閑遊侶入寺寧無淡話僧  
莫道歸來却岑寂小兒同守短檠燈

自詒

荒圃風煙入荷鉏孤村巷陌看騎驢少年曾縱千場醉  
老境惟存一束書作意買山雖已矣忍慙乞米獨何與  
所欣肺病秋來減白髮蕭蕭可自梳

予出蜀日嘗遣僧則華乞籤于射洪陸使君祠使  
君以老杜詩為籤予得遣興詩五首中第二首  
其言教戒甚至退休暇日因用韻賦五首

我幼入家塾結髮知苦心稍長謬聞道篤守至于今淡  
然朱絲絃三歎有遺音詎敢負所學枉尺求直尋彼哉  
孔光輩千載污儒林

又

童子丹元家湛然居靈府世人不少悟役役徒自苦江

湖豈不廣魚乃投數罟是身如璞玉要經大火聚萬卷  
讀丹經熟能精去取

又

少壯不自料慷慨志四方謝病還故山始覺白日長命  
薄類蟬翼功名安可望狐狸不足間力不當豺狼惟有  
卧釣船仰看白鷺行

又

孤雲起江郊萬木酣天風水鳥何所恨終夜號孤叢我

興視中庭北斗挂寒空誰言秋夜長明星已生東丈夫  
老憂國百慮蟠胸中

又

我昔遊青城萬仞窮躋攀巢居上官翁許我分半山且  
言牡丹平可卜茅三間報國未能忘承詔遂東還蹭蹬  
意何成看雲徒汗顏

悲歌行

有口但可讀離騷有手但可持蟹螯人生墮地各有命

窮達禍福隨所遭嗟予一世蹈謗藪洵如八月秋江濤  
尊拳纔奮肋已碎曹射箭盡弓未張形骸骨悴吹可倒  
推拉未足稱雄豪一身百憂偶得活殘年幸許歸蓬蒿  
時時照水輒自笑霜顱雪領不可薙脫身仕路棄衫笏  
如病癰疥逢爬搔見事苦遲已莫悔監戒尚可貽兒曹  
勉騎款段乘下澤州縣豈必真徒勞

秋夜讀書

門前客三千帳下兵十萬人生可意事隨手風雨散不

如一編書相伴過昏旦豈惟洗貧病亦足悍患難老夫  
垂八十巖電尚爛爛孤燈對細字堅坐常夜半吾兒幸  
能繼書亦未殘斷安知不遭時清廟薦玉璫不然老空  
山亦足化里閑我死斯言存觀者有追歎

對食戲詠

一飽欣逢歲小穰時憑野餉誑枯腸橙黃出白金鹽美  
菰脆供盤玉片香客送輪囷霜後蠓僧分磊落社前薑  
秋來幸是身強健聊為佳時舉一觴

懷昔

偶住人間日月長  
細思方覺少年狂  
衆中論事歸多悔  
醉後題詩醒亦忘  
鼉作鯨吞吁莫測  
谷堙山塹浩難量  
老來境界全非昨  
卧看縈簾一縷香

偶得雙鯽

今朝溪女留鮮鯽  
灑掃茅簷旋置樽  
養老不須煩祝鯁  
從來楚俗慣魚飧

又

酒興森然不可回重陽未到菊先開一雙鱗刺明吾眼  
催喚厨人斫鱸來

秋懷十首以竹藥閉深院琴樽開小軒為韻

我非王子猷賦性亦愛竹舍外地十畝不執凡草木長  
吟雜清嘯觸目皆此族更招竹林人枕藉糟與麴

又

短裘入重雲長鑱求靈藥人後四體具狗杞羣吠惡采  
實去條枚摘花棄耐萼長嘯忽躡空天台赴幽約



又

惟王居法宮玉帛來四裔一朝啟我心邊城或晝閉養生能體此皆可閱千歲利欲喜乘人日夜勤自勵

又

飲酒可不病自酌隨淺深處世可無患惟勿欺此心此心實通天一念天所臨子能守吾言可度豺虎林

又

吾道久寂寞不絕如一綫至人隱市塵我輩何由見安

得世外士與之共談醺僧話亦或佳聊可過竹院

又

小人方盛時瓦礫視黃金及其大勢去或不遺一簪郿塢今尚存遺戒豈不深所以栗里翁惟蓄一素琴

又

世事本何常賀弔更在門棄為溝中斷亦何羨犧樽禍福要其終愚智始可言君看驪山墓何若楊王孫

又

今日天微寒處處菊花開永懷杜拾遺抱病起登臺古  
路逢僧過涇雲聞雁來我亦秋風客詩成有餘哀

又

天鏡環千峰蒼翠立雲表漁舟破浪來泛泛一葉小雲  
門若耶間迨此素秋杪登覽不可遲去若孤鴻矯

又

丈夫素所學致主齊義軒恨無同志人徒欲起九原痛  
哭驚世俗著書成空言歲月去衮衮吾其死空村

示客

枳縛藩籬荆作門蕭條何以致諸君歸休正得求吾志  
老病猶能誦所聞紫蟹迎霜徑盈尺白魚脫水重兼斤  
一杯瀲灩無辭醉秋稼登場合策勲

秋晚村舍雜詠

村巷翳桑麻蕭然野老家園丁種冬菜隣女賣秋茶啄  
木矜奇服牽牛蔓碧花一樽雖州州笑語且喧譁

又

秋晚年中熟湖鄉未寂寥步頭橫畫舫柳外出朱橋潮  
壯知多蟬霜遲不損麪家家新釀美隣里遞相邀

卧病累日羸甚偶復小健戲作


病忽迨旬日衰如增十年難求秦緩藥空負宋清錢微  
火秋先跨閑房晝亦眠偶賒書鬼錄遇酒又陶然

又

伏枕瀕九死下牀如再生幸回蒿里駕猶作越吟聲拂  
几嗟塵積開書覺眼明淖糜方自養未敢憶南烹

又

行年當大耋卧病涉高秋  
九藥作奇驗倣裝仍小留  
輕漚元泛泛破屋已颼颼  
尚有江湖興沙頭問釣舟



劔南詩藁卷四十七